

تاریخ عثمانی انجمنی

مجموعہ سی

ایک آیدہ برنشر اولتور

مندرجات

طوبقیو سرای مایونی (مابعد و ختام) عبدالرحمن شرف
 علمدار مصطفی پاشا (مابعد) افضل الدین
 قره مان اوغللری حقندہ و ثائق محکوکہ (مابعد) خلیل ادم
 منتشا اوغللری توحید
 رمضان اوغللری ازیمت متصرفی نزهت
 پبلیو غرافیا (سرای پوستندہ اینیہ خیریہ نک مصور تاریخی)
 تفرقہ: تاریخ سلطان محمد ثانی. مؤلفی قریتو و ولوس. مترجمی قارولیدی .

فیثائی ۵ غروش

مرجمی — باب عالی تاریخ عثمانی انجمنی

استانبول

تاریخ عثمانی انجمنی

مطبعہ طوبقیو عثمانی

۱۳۲۹

رمضان اوغللری

سلجوقلارك انقراضی اوزرینه تشکل ایدن حکومتدن بریده ائنهده
رمضان اوغللریدر .

جد سلاطین ال عثمان ارطغرل غازی ایله آسیای وسطادن کلان
ترکانلردن بوز اوغلی خانک قیلهسی ائنهده توطن ایتیش و اخیراً انک
اولادندن پوره کیرک اوغلی رمضان بک زاده اعلان استقلال ایلشدر.

ائنهده حکومت ایدن ال رمضان دز میر احمد بن رمضان

۷۸۰ تاریخندن اقدجه ائنه، سیس، ایاس، قصبایله بعض وارسق
ناحیهلرینه حکم ایدوب شام حکامیله کاه جنک وجدال وکاه صلح وصلاح
اوزره بولندی .

۷۸۰ تاریخنده حلب عسکريله اوزرینه کلان حلب حاکمی تمر
بکی طار بر بوغازده صیقیشدیروب عسکرینی قتل کندوسنی اسیر ایلدی
۸۵ تاریخنده فرات کنارنده شام و حلب عسکريله محاربه ایلدی .

تیمورلنکک عودتنده میر موسی الیهک ملک و دولتی ثبات اوزره اولوب
۸۱۰ تاریخنه قدر اجرای حکومت ایلدی کریمه سنوده مصر حکمداری
ملک ناصری به ویردی . صاحب سطوت و صلابت بر ذات ایدی.

ابراهیم بک بن میر احمد بن رمضان

۸۱۰

پدرینک و فائنده ۸۱۰ تاریخنده پدرینک برینه کچدی. ارمنیلرینده
بولنان طرسوسی معاونته کلان قرمان اوغلی محمد بکله بزلکده علی التوالی
دورت ای محاصره ایله فتح ایدرک ملکنه ضم ایلدی ۸۱۹ تاریخنده
وفات ایلدی .

حمزه بك بن ابراهيم بك

۸۱۹

اطنه حكومتی سلطان مصر طرفندن میر مومی الیه توجیه اولندی
۸۲۲و تاریخچه قدر اوج سنه اجرای حكومت ایلدی .

محمد بك بن میر احمد بن رمضان بك

۸۲۲

حمزه بك وفاتی اوزرینه اطنه حكومتیه كچمش ایسه ده حكومت
مذكوره مصر لیلر طرفندن مومی الیهك برادری علی بکه توجیه اولندی .

علی بك بن میر احمد

حكومتیه كلنز كلنز برادری محمد بکه بر خلی مدت اوغراشمش
آخر الامر هزایکیسی ده حكومتدن محروم قالدیلر .

داود بك بن ابراهيم بك بن میر احمد

بر خلی مدت اجرای حكومت ایلش ایسه ده ۸۸۵و تاریخچه دیاربکر
جهتده بر محاربه ده مقتول اولغله نعشی حلبه کتیریلرک اوراده دفن ایدلمشدر .

خلیل بك بن داود بك

۸۸۵

مومی الیه ۳۴ سنه طه حكومتنده مستقر اولش و سلطان سلیم خان
اول حضر تلیرنك مصر فتحه عزیمت لرنده اطنه یه ا غر ا قدده میر مومی الیه
حكومتی سلطان مشار الیه ترك و معیت هایونده مصره عزیمت ایلش و سفر
حقده بك شجیعانه توصیه لری محظوظیت سنیه یی موجب اوله رق بربری
اوزرینه طقوز اغر خلعت کیدیریلرک تلطیف اولنش بو محاربه ده برادری
محمود بکه بر لکده نائل رتبه شهادت اولدیلر اطنه ده آثار خیرییه سی واردر .

پیری محمد پاشا بن خلیل بك

۹۱۹ الی ۹۷۶

پدرینك شهادتی اوزرینه اطنه ولایتی طرف شاهانه دن عهده سنه

توجیه بیورلش وقانونی زماننده قباد ، داود ، قورقود ، محمود نامنده درت برادری ده قرقر بیک ایجه زعامتله روم ایلی جهته اعزام بیورلش مشارالیه پیری پاشا کندی ارزوسی اوزرینه شام بکلیر بکلکله اعزام بیورلش ایسه کندی و سندن صکره اطنیه تعیین اولنان امرا حسن ادارهیه موفق اوله میهرق وارسق طاقه سنک طیفانلری یته پیری پاشانک اطنیه عودته لزوم کومتر مشدر .

۹۷۲ تاریخنده اطنیه وفات ایلدی مشارالیه ادیب وقور بر ذات اولوب فارسی وترکی اشعاری وارد .

دوریش بک بن پیری پاشا

۹۷۶

طرسوس متصرفی ایکن پدرینک وفاتنده اطنیه والی اولدی عادل سخی ، کریم بر ذات ایدی . کثرت عشرتدن کنج یاشنده وفات ایلدی .

ابراهیم بک بن پیری پاشا

درویش بک بیوک برادری ایدی آنجیق پدری کوچک اوغلی درویش بکی دها زیاده سودیکندن وصیتی موجبجه اطنه ایالتی بیوک برادرندن اول کندوسنه توجیه اولمش آنک وفاتنه قدرده صاحب ترجمه عینتاب سنجاغنده بولندی و درویش بک وفاتنده آطنه ایالتی کندوسنه توجیه اولندی و ۱۰۰۲ تاریخنه قدر اجرای حکومت ایدرک تاریخ مزبورده وفات ایلدی .

محمد بک بن ابراهیم بک

پدرینک وفاتنده آطنه ایالتی مومی الیه توجیه اولدی غدار خوزریز بر ذات ایمش .

مشار الیهدن پیری پاشا طرفندن آطنه نک وسطده جیم و مزین بر جامع شریف بنا ایدلشدر مناره سیده ضایت مصنع اولوب رنگارنگ طاشلردن معمولدر .

جامع شریف مذکورک غریب جہتدہ کی قبوسندہ شوتاریخ محکو کدر۔
 « هذا بنی جامع الشریف ایام الدولة السلطان الاعظم والخان المظلم سلطان »
 « سلیمان خان بن سلیم خان خلد اللہ تعالیٰ خلافتہ صاحب الحیرات والمبرات الامراء »
 « الکرام پیری یاشا ابن المرحوم خلیل بک الشہر بابن رمضان غره محرم الحرام »
 « سنہ ثمان واربعین وتسعمایہ » .

جامع شریف مذکورک دروندہ آری مزین بر دائرہ مزین
 بر تربہ واردہ . دروندہ اوزرلری کاشیلرلہ قابلائمش اوج صندوقہ
 واردہ وکاشیلرک اوزرندہ ثلث خطلہ تاریخلر واردہ .

برنجی صندوقہ نک اوزرندہ کی تاریخ :

« هذا مرقد الشریف المرحوم والمفقور المحتاج الى رحمة الله الملك المفقور الامیر »
 « خلیل ابن الامیر ابراہیم الشہر بابن رمضان علیہم الرحمة والرضوان قد انتحل »
 « من دارالفنا الى دارالبقاء فی جمادی الاول من شہور سنہ ست وعشر وتسعمایہ »
 ایکنجی صندوقہ

دیگری کی محرر اولوب اسم یری « محمد شاہ ابن پیری یاشا ابن الامیر »
 « خلیل الخ ذی القعدہ سنہ اربعین وتسعمایہ » .
 اوجنجی صندوقہ

..... « مصطفیٰ بن پیری یاشا ابن الامیر خلیل الخ ربیع الآخر سنہ »
 « تسع وخمین وتسعمایہ » .

مشار الیہمدن ابراہیم بک بن پیری یاشا طرفندنہ طرسوسدہ
 جامع النور ظلاق اولتان لطیف مزین بر جامع شریف بنا ایدلشدہ .
 قبوسندہ کی تاریخ :

« قد بنی هذا الحرم المیارک الشریف ... الملك اللطیف الفقیر الحقیق ابراہیم »
 « ابن پیری بن خلیل بن دارد بن ابراہیم شہر الصفر من شہور الظفر سنہ »
 « تسعمایہ وسبع ثمانین » .

اناموردہ معموریہ قلعہ سی

انامور قضانک مرکزی اولان چوراق قصبہ سی نک شرق جنوبیسنہ
 وبش کیلومترو مسافدہ ساحل بحردہ جیم متین برقلعہدر . اطرافدہ

متعدد برجلر دروننده ده. برجامله. برحام و حسین غازی اسنده برذاتک
مزاری و اردر. قلعه‌سک سور و بدنلری پک صاعلام و مکملدر. بوقلعه
جسیمه سلطان علاءالدین سلجوقی طرفندن بنا ایدلش اولدینی مروی ایهده
بونک قرمانلیلر طرفندن یا بلش اولدینی تاریخندن کلاشلشدرد. اشته تاریخ
« هو میسرالامال »

« قد انشاء وانا فحمد الله وثناء الملك الاعظم والمولى العظيم ظل الله في العالمين فيض
« بالخير والجلود المنصور بنصره الملك الودود تاج الدولة والدين السلطان ابراهيم
« بن محمد بن علاء الدين بن قرمان خلد الله سلطانه واضع على العالمين برهانه البليدة
« المصورة والقلعة الناجية المنصورة للغزا حصناً ومكناً هدير في سبيل الله حق
« جهاده وتمها بعون الله الملك العظيم شاكرآ لانمه اجتهاد وهديه الى صراط مستقيم
« كتب التاريخ في شهر شوال المكرم سنة اربع وخمسين وثمانمائة ٨٥٤ »

اسکی انا مور

انامور يوم شهرى بوشهرک خرابه لری مرکز قضانک جنوبنده وایکی
میل بعدنده برتپه اوزرنده و ساحلده در. بوشهرک استیعاب ایتدیکی اراضی
طولا ۱۳۰۰ عرضاً ۱۰۰۰ مترو اولوب دروننده شهر ، اوده تون ،
تیا ترو ، واروش ، صو یوللری ، مزارلق دها برجوق خرابه لر واردر.
بوشهرک مختلف اسلری واردر اولجه Anamorion وازمه و سطاده
Stalior ستالیور تسیمه اولنمش بوراسی انکلیز سیاح بوفوردک ظننجه
Samiens سامیئنلر طرفندن تأسیس ایدیلان واسکندر کیر زماننده
مشهور اولان Nacidos ناکیدوس شهرینک خرابه لریدر .

مرکز قضا اولان چوراق قصبه سی ایسه سلجوقیلر طرفندن تأسیس
ایدلش کوچک بر قصبه در شمیدیکی حالده ردیف دبویی اتخاذا ایدلش
اولان کوچک برجامک قپوسنده شو تاریخ واردر :

« ... فی ایام دولت السلطان المبد علاءالدین والدين ابوالفتح کي قباد بن ... »
« امیر المؤمنین ... رحمة ... تسع عشر من شهر شوال ... »

ایز میت متصرفی

محمد نزهت